

**Protocol no. 102**  
**Sezzüda da lündeschdi, 6 gün 2011, 20.00 – 22.40**

**Preschaints:** Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

**Protocol**

Il protocol no. 101 da la sezzüda dals 30 mai 2011 vain approvà.

**893 021 FABRICA**  
**Armon Scandella – Garascha aint da la via da Sinestra – Dumonda da princip**

Il schef da fabrica orientescha ch'Armon Scandella vess gugent da far, sün sia parcella no. 1348, aint da la via da Sinestra üna garascha e sün quella üna pitschna abitaziun. Il Cussagl cumünal es suot tschertas cundiziuns perinplet cul intent e spetta in quel sen üna dumonda da fabrica concreta.

**895 9 FINANZAS ED IMPOSTAS**  
**Rendaquint 2010**

Il Cussagl cumünal repassa il quint da gestiun, il quint d'investiziun e'l bilantsch cumünal da l'on 2010. Correcturas nun vegnan fattas ingünas. Als 14 gün 2011 segua la sezzüda üsitada culla cumischiun sindicatoria e'l silvicultur cumünal. In quist connex orientescha il capo amo sur da la sezzüda culla cumischiun sindicatoria.

**896 650 TRAFIC REGIUNAL**  
**Fermativa da la posta a Stron**

Id es entrà il giavüschi schi nu füess pussibel d'installar üna fermativa da l'auto da posta eir a Stron (be fermada sün dumonda). Il Cussagl cumünal vezza il lö sco problematic (sgürezza, cuorta distanza fin pro la prosma fermativa). Il Cumün piglia sü contact culs respunsabels da la posta per laschar analizar la chosa.

**897 650 TRAFIC REGIUNAL**  
**Proposta Auto da Posta per ün adattamaint da la via Sur En**

Pels manaschunzs es la situaziun pro'l camping a Sur En, adonta dals adattamaints fats i'ls ultims ons, amo adüna difficila e chaschuna qua o là eir dons vi dals autos da posta ed eir vi da la punt. Perquai fa l'Auto da posta la proposta da far ün adattamaint vi da la via (storta) davant il restaurant. L'adattamaint pudess esser uschè, cha la via fa üna storta plü lunga e passa a l'ur da la piazza da parcar existenta. I's tratta davart da la dita Auto da Posta d'üna dumonda da princip. I vain fat üna visita oculara sül lö per güdichar e per discuter las pussibilitats. Pel Cussagl cumünal es eir important da savair che per veiculs ch'els prevezzan d'utilisar in avegnir per quel traquet.

898 012

**EXECUTIVA**  
**Model directiv**

Il Cussagl cumünal conceda ün import da fr. 1'800.-- per laschar far 700 exemplars (broschüras) chi cuntegnan il model directiv dal cumün da Sent. La lavur vain surdatta a la firma GRischa-PR GmbH, Sent.

900 810.435

**Vendita da laina**  
**Resgia a Domat Ems**

Il schef da god orientescha cha la gruppa da god d'Engiadina Bassa haja decis da laschar manar ün tschert quantum da laina oura Domat. Però be culla cundiziun cha'l Chantun subvenziunescha la part dal transport da la laina fin a la staziun da la viafier.

L'actuar: